

尹文端公詩集卷第七

章佳尹繼善元

予將入

覲袁子才作歌送別即和其韻

歷盡西風朔雪寒
潯陽歸櫂夢初安
多年舊雨重言別
一路春山正好看
過客從來如隙影
離情無限集毫端
征塵僕僕頻回首
那似閒中歲月寬

溫綸屢降自深宮
又近蓬萊効祝嵩
岐路多情鳴野鶴
前歲入京子才寄懷詩
有孤雲野鶴正相思
句他時有句憶村翁
長橋落照途

方遠嫩柳新花氣正融
六之嘉謨登奏草徒教
故事愧山公

流泉煮茗自清甘
記過林園小徑三
縱有篇章時贈答
誰如聲價重東南
每當惜別難分手
尚擬尋幽再駐驂
一任旌麾江外去
北窓高卧睡方酣

前番祖餞何人在
南浦銷魂不記年
既寫雲山留畫本
更多酬唱酒吟箋

丁卯入

贈行沈凡

民曾為繪圖

親子才有詩
莊逢樂歲

荒仍舊老聽驪歌
調可憐欲問扁舟能繫否
情懷脉脉筆難宣

用袁子才韻留別陳光岳並東幕中諸友

欲動旌旄趁曉寒遙天直北望長安關心好友臨江別
過眼新花載道看葵向惟期依日下鵬飛豈羨入雲端
殷勤執手勞相問笑指前途景尚寬

構得西園數畝宮峯巒層疊似高嵩殘梅解笑紅塵客
老樹難留白髮翁我去江城情脉脉君歸斑綵樂融融
承歡暇日懷人遠可有新詩寄在公

誰識驅馳苦亦甘長堤柳色正春三屢膺節鎮慚卽雨
更乏棠陰咏名南倦鳥將還猶戀侶征軺欲駕尚停驂

一杯酒盡陽關曲寫到離思筆不酣

石城相聚復秦嶺轉眼韶光數十年把臂看山新舊雨
分題對月短長箋交因古道方能久老覺天心更見憐
此去燕臺聊寄語南邦漫望再來宣

途中咏懷兼寄金陵諸同事

驛路風飄細雨寒喜聞鳥語報平安青山又作今番別
好景仍留日後看已少塵緣來夢裡難禁離緒集看端
千條綠柳爭迎送只覺春光分外寬

征軺暫過梵王宮疊出奇峰勝華嵩

時過棲霞寺

石磴穿雲

隨老衲漁蓑冒雨兼山翁橋分二水新波遠花滿千林
淑氣融禪院清幽松自響潭忘人世說三公

誰云宦味久彌甘愧向江邦持節三鄉樹牽情懷冀北
暮雲回首望天南淮陰古蹟遲歸棹岱嶽晴光映曉驂
每遇攀留聊小憇離亭把酒興難酣

同羣自昔難分手惜別偏多在老年愧乏嘉言酌舊雨
惟吟短句寄瑤笺飛鴻踏雪原無定倦馬嘶風祇自憐
千里音書頻致囑

九重德意賴勤宣

泰安道中喜晤崔拙圃方伯遊靈巖寺漫成四章
兼以留別

月夜蘆溝剪燭寒髻年把臂憶長安舊來好事難回首
老去春光又共看嫩柳如絲搖水畔青峯似黛聳雲端
招攜更指靈巖路頓覺天空眼界寬

秦松漢柏繞

離宮節屋家家盡祝嵩古洞雲閒迎過客幽林犬吠見
村翁寺臨野岸塵彌遠山帶斜陽氣倍融物外竒觀誰
位置還思翹首問天公

林邱趣味淡逾甘漫笑高歌疊再三翠壁無緣登日觀
虹橋有景似江南溪邊話舊遲分手石上烹泉小駐驂
不盡緋桃依岸長新花放處正紅酣

桑田處處霑膏雨麥隴青葱望有年已聽仁聲盈繡野
寧誇好句灑吟箋韶華豔麗原堪賞稼穡艱難亦可憐
臨去何言持贈別齊東千里待旬宣

恭和

御製昆明湖泛舟至玉泉山元韻

虹橋烟柳勝江南

言集卷之四
四
詔許從遊取次探身到蓬瀛能識否棲霞回首覺懷慙
西湖曾記動輕橈曲港長堤

睿賞邀那似仙源飛洞口看春眼被百花撩

恭和

御製翠交軒元韻

樹密枝逾翠年深影自交青青垂地葉靄靄入雲梢細
雨千林潤濃陰萬象包資生承厚德品物協坤爻錯落
分還合槎枒斷復捎時聞鶯喚侶佇看鳳來巢日麗風
光暖花攢錦綉苞軒窗幽靜處

睿賞句頻敲

如菴學使以遊寒山詩見寄依韻奉答

如流無計駐光陰
千里常牽別後心
遠岫雲飛隨聚散
西園花放憶招尋
君依翠竹歌寒雪
我被薰風聽舜琴
寄到音書何處所
玉泉山月照平林

日傍瀛池坐綠陰
行雲來去亦何心
燕臺花柳忙中過

南國溪山夢裏尋
舊侶時隨元老步

時在軍機處追隨尊公相國新

詩遙和伯牙琴
情懷無限君知否
雨後樓鴉叫晚林

秋日南旋舟中和錢希裴寄懷

雙魚遠寄碧江頭
愧我瑤緘懶未修
半載叨隨香案吏
扁舟又指石城樓
晴窻得句吟明月
細雨揚帆溯上流
不是蒹葭頻過眼
幾忘節序入新秋

樓霞寺外好峯多
別後風光近若何
縱有亭臺添眺覽
可如蓬島足賡歌
花迎遠客應先笑
馬踏閒雲擬再過
更望西成歡士女
黃淮水靜不揚波

和程景陶重至江寧賦贈韻

自昔風標迴絕塵
喜逢舊雨却如新
歌傳白雪詩彌老
話溯當年意倍親
久別應添思友夢
重來又作看花人

漫言幾度為賓主過客伊誰不是賓

西園散步口占贈諸友人

西園散步絕纖塵路轉虹橋處處新
雪霽共欣冬日暖
峯多可似故山親
登瀛恍作壺中客
照水疑為鏡裏人
尚有殘花餘數點
擬開畫舫一招賓

過書館舊基憶老友王卓人感賦

琴書久已化飛塵
亭畔猶餘手澤新

望山亭三字卓人所書

廿載

雖無言笑接百年
終覺夢魂親
欲尋舊蹟迷荒草
屢撫垂楊憶故人
記得池蓮開放日
曾吟短句和西賓

曾上池

和吟唱

恭和

御製入江南境元韻

翠華到處盡和風
一入江鄉景倍融
路接青徐春色遠
疆分南北頌聲同

君民相悅原非偶
雨露頻施總至公
無曠庶官時告戒
惟期兢業亮天工

恭和

御製賜臣尹繼善元韻

多年膺重寄久道仰

熙朝職守慚無補

恩榮感獨超入疆膏雨潤育物惠風調夾路歡迎處春
光徧柳條

尚論追千古誰能似我

朝豈惟功莫並實以德尤超華祝隨車遠南薰入曲調
江梅如有待綠萼發新條

恭和

御製渡黃河七言近體八韻

一夜洪濤難問渡綵帆挂處曉風停休嘉自昔常徵應
川澤於今總効靈為對安瀾思往事
去年豫省漫口御詩內念及
爰尋舊蹟憶

先型寒烟斷續遙堤柳翠色微茫彼岸亭謳輒聲聲催
蕩樂歡迎簇簇望揚舫只多黃犢耕春隴絕少飛鴻集
遠汀共見

至尊顏有喜誰知

大孝視無形

慈航已慶中流穩尚望雲天祝乂寧

恭和

御製定清口出水誌元韻

治水順水性先應去積壅清黃交會流恍若分迎送兩
壩束如峽意在遏其縱所見殊不廣羣言皆非對我

皇勤省方念切民事重廣運仰

神謨指掌形勢供高寶處下游瘡痍軫前痛今昔治河
人返心曷自訟名為惜帑金却未歸實用清口似咽喉
亟須展寬空因時利導之機宜乃悉中若為成法拘安
能慮善動西風浪拍堤無怪勢洶洶何如惕厥流蒼黎

活者衆臣材愧利濟遇事輒控德稽首聆

訓言河源引手控扼要得指歸全局妙該綜從茲慶安
瀾歲上河清頌

恭和

御製平山堂即景雜詠元韻

春風緩緩引仙舟鎮日追隨天上遊欲識平山新景象
迴闌屈曲繞清流

詞賦風流憶昔朝歐蘇遺蹟望中遙行雲來去無今古
駐馬低徊廿四橋

白頭鳩杖滿前岡分畧尊卑亦不妨華祝聲中聞笑語
萬家生佛是吾

皇

無數樓臺插碧空
滌洄一水路全通
箇中自有天然趣
漫說人工勝化工

深宮宥密仰文思
稼穡艱難念在茲
最是

天心怡悅處
綠簑黃犢早春時

畫舸從容翠蓋揚
江梅欲放晚風涼
陪臣萬里來中土
也傍

山龍得近光

恭和

御製再遊平山堂元韻

蜀岡春日曉水樹紆晴光

鳳舸乘暄風沿流至山堂訪古憶賢守善政齊龔黃當
年卜築成勝景時襍祥留以待

聖人千載蹟未荒良辰一再過觀者擁道旁垂楊拂
芝蓋

輦路滋蘭芳

萬幾值餘閒遲遲玩青陽歌詩傳盛事風景如陶唐

恭和

御製壬午仲春塔灣行宮再依

皇祖詩元韻

豈為尋芳駐

翠華沿村處處問桑麻五年巡狩今三度四海昇平總
一家月影暗移臨水塔風香微動隔墻花郊塍自有天
然趣漫說維揚盡尚奢

恭和

御製第五泉元韻

徹底澄泓石四圍原泉有本是耶非漫云第五非高品
一樣清香出翠微

恭和

御製三月晦日錦春園卽景元韻

林園近傍水之濱

玉輦重來正向晨落地漫云花漸老撩人喜見景尤新
窓依翠竹開生面石枕寒流帶舊皴一路湖山看不盡
白頭何必惜殘春

恭和

御製遊焦山作歌疊舊作元韻

翠巘峙中流隔岸多茅屋我

皇一放舟衝歌遙鼓腹笑指金焦似弟兄波濤相應頃
簷聲已看如玉浮江水遠峯疊翠又如彼揚舲謳軋渡
輕帆恰逢浪靜風亦止曾聞海上有方壺此山彷彿無
乃是

翠華重蒞正芳辰遊豫不忘治理勤屢戒除奢敦儉樸
亭臺位置默紛紛所重農桑崇實政無為粉飾務虛文

御詩有樓臺
位置費太勤句
憑欄寓意夫何在惟有青松與白雲

白雲出岫曉氤氳萬壑松濤遠近分潮打懸崖來自去
浪迴石罅吐還吞坐愛清幽遲返棹空外梵音靜裏聞

恭和

御製遊焦山元韻

聞說三山景無比遙指海雲疑在彼誰知塵世有丹邱
看到金焦已盡美從前未見此山時依稀入夢懸摹擬
及至揚帆到其間恍若清風一過耳是空是色悟禪機
水月鏡花皆若是瘞鶴銘畔懷坡仙焦先祠外想高士

當年舊蹟化飛塵殘碑半沒蒼苔裏
潮水將生客欲還
粥鼓方濃僧未起若仍留戀不回舟
躋攀何日窮端委
人生踪跡似行雲三復斯言有至理

恭和

御製焦山元韻

別墅依林麓清和太古堂江山觀已止瀛島類皆償
風細波濤靜春深草木芳僧家終占住過客亦何常

恭和

御製登鏡江樓極目元韻

江澄渾似鏡極目又登樓松竹雲中見亭臺水面浮一
峯環萬派卷石砥中流却為觀形勝聊將寄覽遊

恭和

御製惠山寺品泉元韻

惠山出名泉自昔噴巖竇我

皇受品題名實果相副兩兩鑿清池固以白石甃錫氣
入泉甘此理尚堪究其間置小亭特為品泉構想見桑
苧翁清懷出塵囿今茲賁

六飛淪茗餘芳漱雅興寄清流並非為物誘從知名勝

蹟豈在多藻綉泉源亦偶探所尚治功懋

恭和

御製惠山漪瀾堂元韻

春山遙映讀書堂檻外清流透碧光
影寫雲天堪作繪紋生綺縠自成章

龍旌已繞花千樹魚藻還歌水一方
誰識觀瀾宸賞處吟來義蘊更深長

恭和

御製汲惠山泉烹竹鑪歌再疊舊作元韻

惠山名泉天下聞溶溶東麓兩池分揚子中冷足相匹
虎邱石井非其羣有庵植松盈萬本湘簾柴几清無塵
以竹編鑪作茶具山僧遺製精且文三百年來永不壞
至今題詠爭流芬當春

玉輦重過此黃篋紅泥依舊陳嫩蕊煎成奉我

后獻芹之意古風敦玉液盈盈春在盞芳烟郁郁松為
薪泉甘器潔兩相稱片時靜坐祛糾紛自是淡中有至
味肥鮮悅口何足云興來得句洒

宸翰筆底化工如有神壁上前題閱五載朱絃疏越清

音存况兼韶景助吟眺山花山鳥檐前新歌成逸韻帶
泉響禪房永奉為奇珍王紱雖留畫卷在詎數從前題
句人

恭和

御製春日疊鄧尉香雪海歌元韻

誰氏家山號曰吾相沿難以溯厥初今歲天寒花未發
香雪得名無乃誣我

皇登高憑眺覽行雲來去任卷舒東崦西崦皆拱向湖
山不比凡規模石畔蒼松多古怪竹間小徑何盤紆臣

也無能叨前導為憐老馬識舊途喜同小草瞻雲日時
傍龍驤凜步趨光福橋邊何所有橫斜瘦影晚風餘雖
無繁葩供逸興且有老幹足清娛試問香雪命名何取
義梅原與雪無懸殊梅既有香復有色似與白雪兩相
需雪到陽和漸融化梅開爛漫旋蕭疎不如無香無色
好水邊月下自清孤在昔看梅絕勝處吾家山已擅三
吳是空是色欲問渠會心不遠如斯夫

恭和

御製穹窿山元韻

山皆秀氣鍾讓此最高峯縱目看香海尋幽問老農
花繞開別院塵不到青松望雨憂民意時時在
聖胸

恭和

御製寒山元韻

儉樸遵

明詔池亭只小修應時膏雨遍向日萬花稠共喜陽和
遠渾忘歲月邁卷阿思往昔泮渙似茲不

恭和

御製上方山元韻

楞伽山勢聳天邊石古松蒼不計年
雲影常浮依寺塔波光遙帶傍湖田
幽花迎

輦都含笑野鳥棲林伴坐禪最是

聖心融妙諦吟思直似湧金蓮

恭和

御製鄧尉山元韻

却值風寒未綻梅回思往事興悠哉
春光有意邀重覽花蕊先教賞半開
色淡似輸紅杏好香清仍讓老松陪

不知踏雪尋幽客一歲還能幾次來

恭和

御製獅林寺元韻

獅峯傳說倪高士此地由來愜

聖心吳苑耕桑頻過省春風水竹又相尋誰依翠石開
新徑却指虬松認舊林手寫烟巒今在否市廛何處覓
知音

恭和

御製支硎山元韻

路入支硎次第尋時聞巖外發清音雲飛遠岫憑舒卷
鶴去空亭自古今澗水旁通千尺雪松濤似和五絃琴
却從幽壑邀

宸賞勝跡都如訪道林

恭和

御製寒山綠雲樓元韻

路入寒山聊小憇登臨有興句重題緋桃過眼紅將滿
麥隴當窓綠正齊樹密微嫌春日冷樓高只覺遠峯低
他時疊浪千村裏還聽催耕布穀啼

恭和

御製虎邱雲巖寺元韻

金碧層層卷小塘
虎邱山畔正春陽
只饒野色明雙眼
絕少塵緣繞寸腸
巨石空池名最古
清風皓月景相當
暫時

扈從叨遊覽
隱隱鐘聲在上方

恭和

御製寒山澄懷堂元韻

睿懷澄澈處
堂額字親題
樹色行雲外
泉聲積翠西
無

心觀衆妙小憩豁天倪勝地難留戀門前驄馬嘶

恭和

御製寒山清暉樓元韻

山深開別墅樓迥映清暉峭壁分青靄高窓接翠微水
穿寒石咽鳥逐白雲飛欲問瀛洲路此間是也非

恭和

御製華山翠巖寺元韻

得句春新舊尋芳路淺深松高時雨潤梅老綠苔侵日
色催行馬鐘聲度野禽境幽人跡少吟眺一開襟

恭和

御製法螺寺元韻

古寺指西南蹊徑更深邃源遠水分流峯多石疊翠幽
賞愜

聖懷到處停遊騎對景復作歌殷勤戒勞費物色取天
然何事工點綴微臣領訓言敬以示羣吏綠麥望盈疇
黃雲期匝地經畫之良謨捧讀彌增愧

恭和

御製飛魚峽元韻

果有飛魚否傳言恐不然花殘幽澗石水漲暮連天
過去誰非客重來暫是仙池臺迷舊趾佇立憶前賢

恭和

御製石湖池上石觀音元韻

峯頭舊刻觀音像欲向山靈辨假真不解是空還是色
須思誰主與誰賓池清影照巖花落樹老陰籠翠石皴
一葉慈航何處問等閒可渡去來人

恭和

御製壬午春日虎邱次清遠道士元韻

清遠不羈人高情屬雲漢飄然物外遊跡向烟霞窟虎
阜一褰羊妙句寫閒翫傳聞養鶴處碧澗清流漫蓮花
久已空猶剩蒼苔岸古木鳥聲多夕陽人影亂何期
翠輦來暫駐三春半寓目遠懷生點筆天葩散澄含山
水暉煥若卿雲旦仙踪知何處勝跡留

宸翰望古不勝情一唱而三嘆義蘊深以長游夏莫能
贊

恭和

御製虎邱寺三疊蘇東坡韻

路傍山塘行律岫見邱嶺蒼松鎖寺門左右環閣井林
端一俯眺金碧照耿耿寺古劍池深水落餘蛙黽人去
講臺空侍立餘頑礦枝頭野鳥喧窻外西風猛一自迓
鑿輿上界供遊騁過眼白雲飛漱石幽泉哽炊烟盈萬
戶畊稼富千頃今年節令遲春風散餘冷景物悅
慈闈承歡孝思永是時補助閒野外多韶景回看碧峰
顛浮圖呈幻影歡呼望再來萬口同聲請

恭和

御筆獅子林題畫元韻

共瞻

墨寶耀三吳天縱多能自昔無重為禪房添畫本應教
高士識真吾雲橫瘦石環松竹風散寒烟護菡蘆自是
化工空色相染毫別有會心夫

恭和

御製遊攝山棲霞寺仍疊尹總善沈德潛唱和韻

攝山有竒峯嘉名錫玉冠本來面目真何須金粉兼翠
壁競巉巖層巒插碧漢俯視白下山如禪髮初中晴光
夾路迎

屬車轡屢按流水與行雲寄情何繫戀時或坐竹林時
或過僧院佳興與人同萬物皆靜觀烟景布陽春山靈
似早辨

麥隴踏平蕪曠然入幽徑路由望轉遙磴斜行自正羣
迓

翠華臨就瞻生愛敬返樸戒華靡純一見真性到處萬
民歡纔是

一人慶幾暇時作歌題遍諸名勝多藝復多能天縱推
將聖青蓮高石几瞻眺庶可凭幽鳥時一鳴樂意供清

聽

何處問六朝流傳有松石樹樹聳杈磊磊堆峯峿絕
頂最高峯去天疑咫尺是時物向榮草木皆甲坼劃然
蒼翠開有如張屏帶爛熳衆皴堆矗立危峭壁東嶺佛
繡巖化身千萬億說法石點頭拈笑花迎客偶來般若
臺尋步得停息於茲悟真詮宗風傳正脉

昔人鑿名泉尋源遇白鹿石橋跨虛空珍珠紛濇漉淙
淙日夜流清氣襲崖谷中峯有小池平波互洄狀蠙然
寒風來宛對匡廬瀑閱歷成古今屈指幾更僕自從邀

睿賞遂令地成福松籟鼓天風隱隱奏琴筑

石棧相鈎連恍如穿雲上

宸遊匪玩物寓目聊寄賞東海日初紅霞氣蒸沆漭懸
厓瑤草香和風正駘宕仙禽時迴翔馴鹿任來往長江
襟帶間濤聲答樵響翹首望太虛凌空呈萬象頓令心
地清超然絕塵想

承

恩寄封疆卅載親民事繁劇數東南時時勤布置譬彼
作垣墉敢謂能塗墍深幸遭際殊卷阿隨車騎風正吹

桃花池漸長荷芰往者陳風謠芻言達天際今荷重延
賞景物分同異臣才媿鄒枚何由效駢儷來游一再歌
共仰

宸章麗

恭和

御製幽居菴元韻

迎

輦晴烘萬嶺霞重尋幽邃景堪嘉閒階經雨全鋪蘚老
樹當春亦著花徑窄愛看崖疊浪風香遙識麥抽芽林

泉屢荷

榮光賁從此精藍更可誇

恭和

御製萬松山房元韻

松色自千古擢秀無冬春况當

春省時百卉皆芳芬韻入山下風枝繁山上雲偶來憇
松室即境得所欣所欣萬物榮足驗雨露勻豆麥含碧
滋耕耨方凜遵快覩斯民康豈遜羲皇人

恭和

御製玲峯池元韻

雲表鑿清池層巖拱抱竒一泓烟淨處四面翠浮時
乳竇藏雲液渾難測本源雲根與白鹿風味可同論
漠漠古松陰芳草綠盈寸漫云一勺多為霖亦有分
影動微微浪春生淡淡烟更看斜日映雲水共爭妍
石竇何年鑿悠然緬古初于今增景色屢荷照

鑿輿

繞

一

御製詩云五年照為爾坐移時

恭和

御製石梁精舍元韻

中峯亘石梁捫蘿造蓮宇仄徑蒼苔滑天風衣袂舉春
水淡生烟野花香著雨紅塵飛不到借問何處所
幾暇坐山窓謾謾松聲古

石梁亘山脊憑高起蓮宇峻嶺路逶迤飛檐勢超舉峯
高春稍寒樹密晴亦雨過鳥有遺音落花無定所上界
吹天風松濤自今古

恭和

御製練影堂元韻

千峯蒼翠裏一鏡水光開却共閒雲靜還隨曲岸迴軒

楹供寫照欄檻足低徊更有臨流趣花香四面來

恭和

御製紫峯閣元韻

石起層巒樹擁烟紫雲不散自年年萬家生佛憑欄處
應現峯頭千葉蓮

恭和

御製武夷一曲精廬元韻

雲烟環繞簷除四圍樹石蕭疏此是看山勝處名區不
讓匡廬

恭和

御製見山樓元韻

遠眺一登樓探春片刻留烟雲峯四面苔蘚石千秋雨
霽明如洗窓開翠欲流憑闌聊寓目屢戒莫增修

恭和

御製功德泉元韻

活水滿山流不盡愛從石罅湧新泉澄光自照峯高下
蒸鑑常涵象萬千泉在千佛嶺下且喜桑田資利濟寧誇畫閣
俯清漣從來

聖世嘉祥普甘醴原非事偶然

恭和

御製最高峯元韻

仰攀雲磴上高峯絕頂烟霞正拂胸
一帶春山明似洗層霄開遍碧芙蓉

極目遙空豁遠襟風帆葉葉到江心
吳雲楚樹青天外一片波光閱古今

恭和

御製清涼寺元韻

石城訪古得清涼寺以山名山繞寺世傳三絕已無存
 惟有法門終不二昔人避暑借幽居寧解拈花叅妙義
 憑高一覽翠微亭江天浩蕩今猶是映日檣帆樹杪過
 浴波鷗鷺汀前戲誰識吾

皇託興殊却就清涼揭真諦

涼應 御製詩有云既曰清涼

無上諦

恭和

御製雨花臺元韻

迢遞郊南說法臺綠齊芳草玉驄來花間香案今迎

蹕峯外雲庵昔渡杯岡勢猶龍常宛轉江流如練遠滌
河登高遍覽春城景閭井週環實壯哉

恭和

御製燕子磯元韻

石磯昔淩波倒影似飛燕沙岸漸成村綠疇依翠巘春
旭麥苗新受勝桃柳絢徑曲踏烟霞亭高駐

清罕但見水天寬曾無風濤患帆影各西東登臨增唱
歎

恭和

御製命疏濬六塘下游詩以誌事元韻

百川各異流歸宿要于海沂水發源長關鍵果何在六
塘居下游溜急勢常殆况復日積淤舊制宜稍改疏濬
與決排禹功垂萬載倘少事因循恐將貽後悔羣議徒
紛紛折衷正有待就勢取寬深事半而功倍經營

咨傲時羣工奉模楷機宜運

聖心何需效啓乃設官專責成欽哉往無怠河流成底
定羣黎歌樂愷重待

翠華來風謠定可採

恭和

御製遊雲龍山元韻

茲山不與衆山羣拱向

離宮護曉雲花片每從巖外落濤聲時傍嶺頭聞荒亭
鶴去思高士石壁詩留弔使君寧止問閭增氣象迎
鑿草木亦欣欣

恭和

御製惠祐龍王廟元韻

展禮酬靈貺惟寅命秩宗神功襄

帝力廟貌映山容相度煩咨做宣防賴協恭祥雲能作
雨出岫自從龍

高郵歸途有懷劉石菴學使兼謝惠寄琉球紙即
和來韻

喜見雲箋隔水來蓬窓喜極手親開遙聞夜雨題新句

却傍禪林坐碧苔

石菴在香阜寺小憩

豈為尋幽聊憇息似因惜

別故違回

途中又得相晤

勉酬險韻汗新楮正待宗工一剪裁

交因兩世自情深不獨聯鑣共咏吟岐路牽懷非水竹
名山在望是焦金舟停片刻勞人話月落三更過客心

握別愧無瓊玖報徒辜持贈遠方琛

舟中寄懷劉石菴學使仍用前韻

正趁西風鼓棹來蓬窓一望曉烟開心情未減頭添雪
筆墨全荒硯有苔無定行雲舒又卷相思遠夢去初回
雙魚尺素何難寄只怯新詩不易裁

細雨應添碧水深池邊散步共誰吟齋閒可似藏書舫

學使署中亦有不繫舟句妙真如點鐵金石菴曾為予改黃樓詩小圃追歡

他日約暮雲悵望老年心露芽莫作尋常看曾煮仙泉

伴貢琛寄去新茶乃春貢所餘

吳門重晤香樹先生承贈佳什調古情深夜雨挑
燈率筆奉和兼以送別

花開時節正三春記得追陪步後塵見面先吟當日句

問年並及首行人

舊贈詩有首行升命婦句今承問及

心清誰似心無累

筆健應知筆有神

云老

錢筆老健御賜公詩

歸去北窻高卧穩兼

公不異葛天民

久傍鴛湖度好春結廬深處遠紅塵扁舟問渡疑前夢

六年前曾經過訪

白髮談心剩幾人却為難逢頻握手更因惜

別一傷神尚書杖履遊何定時入烟波伴老民

吳門真有四時春
花繞長堤柳拂塵
重到山川留勝賞
欲邀風月待同人
自來逸興原超俗
寧祇新詩妙入神
老去身閒復底事
惟將風雅化鄉民

又送輕橈向富春
幽情尚喜踏芳塵
應同松竹為閒侶

並與湖山作主人
白社當今推齒德

愚宗伯同稱大老
御賜詩與歸

清歌隨處寄心神
鄰邦更有聞風起
近見絃歌遍里民

暑雨夜過錫山
未得與嵇拙修宗伯
把晤承贈詩

扇格老情深
揮汗挑燈勉酬來韻

夜半風催畫舸還
幽齋獨羨夢初安
年衰已覺知心少

室邇何堪見面難感舊多情偏對雨烹茶無伴共觀瀾

時擬到漪瀾堂未果蓬窻剪燭時揮汗笑我真成一熱官

柳拂長橋綠映溪平分活水隴東西豐年景物歸新詠

高士園林憶舊題曾共題筆獅子林畫卷御持筴終朝風肆好看

山何日手重攜征帆已遠仍回首驛路雲深月影低

壬午七月石菴學使重過西園話舊仍用不繫舟

小集韻

積雨初收晚吹涼西園留客對晴光重來漸覺知交少

庚辰同事諸人已去過半老去空添鬢髮蒼遠樹烟籠鐘嶺翠平池

波泛藕花香，銜杯話到當年事。殘暑踈星句未忘。

石菴見贈

詩有坐來殘暑間新涼
檣際踈星帶燭光之句

棲霞勝處易勾留，記否前番韻屢酬。松柏慣逢如舊雨。

溪山正好是新秋。

石菴適自棲霞來

君應回首吟晴黛，我亦相

思夢碧流。何日聯鑣苔徑裏，招攜同上最高頭。

壬午秋日劉圃三學士重過西園喜賦二章仍用

見贈韻

檻外晴空豁素襟，西園共喜同登臨。幽窓風過蓮香遠，
曲岸烟凝柳色深。話舊頻傾留客酒，問年易動感秋心。

老來握手情彌篤寧祇論詩是賞音

迢迢旌節度江關暫坐濃陰積翠間恰喜青雲來舊侶

程魚門嚴東有相看翠竹似清班池開練影明斜日秋

兩中翰繼至送蟬聲咽小山知有椿堂時在念片帆轉眼又西還

錢東麓少司農典試江南詔許其尊人香樹尚書

前來相晤並作樓霞之遊予聞之狂喜賦詩二章

寄迎香樹仍用吳門唱和舊韻

風月相邀歷幾春

天教杖履踏芳塵預將白鷺洲邊句遠近吳江道上人

戲用先生
舊札語

念子知應催櫓漿登山更自長精神村農不
識尚書面惟待爭看先覺民

秋光誰道不如春楓葉將紅更絕塵白下閒遊來大老
青山作主讓何人難逢橋梓同攜手寧祇詩文一爽神
處處西成場圃滿好開笑口看堯民

和岳焦園都門寄懷韻

古調伊誰是賞音每因書到一開襟漫嗟老鬢添新雪
更愛長歌抵碎金得句每難逢去雁懷人最怕聽鳴禽
公餘坐對秋江冷紫蟹初肥水正深

何妨陋巷與簞瓢高士閒居寄興遙到眼花光紅粉靨
映簾草色綠裙腰西山入畫看尤便蕉園潞水煎茶渴
易消惟有知交時在念長吟却寄遠江潮

香樹遊樓霞山予未獲陪又賦二章寄贈

黃菊開時近小春勝遊到處淨無塵原為烟雨樓邊客
又作江山畫裏人策杖登高堪放眼揮毫臨水足怡神
層巒峭壁題應遍好看趨庭引俊民

懷友如同盼好春偏教咫尺隔仙塵清宵空有遊山夢
佳節誰為送酒人泉石輸公皆入句簿書笑我獨勞神

尋幽若到雲深處應自攜筇問老民

用前韻贈東麓少司農

德門霽霽似陽春哲匠家風繼後塵秉節我為三至客
衡文君亦再來人共推藻鑑明如月何藉朱衣暗有神
一自菁莪沾化雨咸知矩矱本先民

珥筆追陪記暮春斑衣許傍

屬車塵重栽桃李留南國徧網珊瑚慰老人教誠早如

親笑語搜羅何肯惜心神

尚書公有信囑司農盡心閱文不遺餘力

秋江不

怨東風晚惟聽歡聲洽士民

前科榜後少司農詩有江上芙蓉士怨秋之句

又和岳焦園見贈

細雨聲中夜漏遲難從遠夢接光儀
愛山時望新來畫
時有字
懷友常翻舊贈詩有酒可能開笑口
無花那得

展愁看江梅近亦蕭條甚待寄寒枝
慙渴思

來詩有丁
寧詩句催

花去
之句

和岳焦園秋風詞

金陵推絕勝吳地舊名都景物富江山未肯讓西湖
引我老友心遠念石城隅時復寄新詩咳唾盡瓊珠
贈以肺腑言勗保千金軀秦淮與燕樹萬里隔長途
有時夢

見之短夢亦須臾未知入秋來又白幾莖鬚一別經數
載顏衰非故吾不愛桃李花綽約似仙姝不愛綺羅筵
佳麗似錦綸惟憶北窓人高卧聽啼鳥用和感秋句因
風寄潛夫

香樹先生自白下回舟吳門重晤喜贈四章即用
香樹紀

恩詩韻

疊有新歌達

聖聰並傳好句慙微衷久推高尚同僧紹

天語輯
先生為僧紹

近更風流似醉翁老去惟耽泉石趣秋來喜看稻梁豐
韶光彈指百年事盡在先生笑語中

紫峰閣畔有雲根

雲根泉名

詔許遊山赴白門暫得團圓皆至樂閒來眺覽總
殊恩秋巒入戶青蓮湧水色連天雪浪翻往日西湖誇
絕勝未知到此復何言

暫緩歸鄉一日程驪歌欲唱費經營意真豈在多文藻
交久方能見性情大老何人為老友尚書故態是書生
遙知此後蓬窻枕有夢還應念

帝京

兩浙林巒久不攀，枉教翹首憶青鬟。
舟回烟雨層樓外，人在蒹葭白露間。
驛路免馳新柬去，吳江好讓凱歌還。
前歲寄詩送行，回札云：香樹先生敗于吳江道上矣。
秋深處處楓林滿，誰共攜筇一看山。

余與高文定公共事南邦最久，自公歸道山迄今
八載，立齋齋使葬公于

賜瑩之真珠峪，水月松風晨夕獻秀。與公素尚雅，有夙
契，為五清山莊圖以存先志。因出見示索詩，撫卷

愴然不能自己即依齋使截句韻奉題

岡阡遠在白雲東時有寒山入夢中此日相尋從畫裏
依稀村樹雨濛濛

壘上風高木葉乾宛聞流水咽荒灘
蓼莪無限思親咏
滿紙淒涼不忍看

梅影參差竹影橫水澄皓月映空明
當年共坐松窻下
記得銜盃話五清

拈筆曾為識畫圖

文定舊有五清圖
小照屬余為記

今披此卷更踟躕

先生騎鶴蓬萊去回首還能憶舊無

浮航自在舊題詩不繫舟前有所思

文定贈予不繫舟詩云未若浮航自

在行每向荷芳亭畔過西風落葉總堪悲

總河署內有荷芳書院

一隔幽明近十年煙橫馬鬣草芊芊擬將白髮傷心句

遙寄山莊古樹邊

題高齋使望雲圖

山色蒼蒼入遠天夢魂常繞白雲邊披圖一咏思親句
似讀風人岷岵篇

烟樹迢遙望眼空年季有淚洒西風嗟予先壟關山隔
同在迷茫落照中

和岳蕉園見寄

環堵蕭然落葉疎
羨君有興托鳧魚
霜寒應悵梅開晚

聊寫松筠自愛廬

時寄到松竹山莊圖

賣却漁舟憶舊詩
山莊又喜寄新詞
釣竿得入烟波否

我欲披圖一問之

蕉園舊寄詩有知否漁舟都賣却釣竿無處下潺湲之句

和夏醴谷山長見贈

誰云來者不如今
桃李爭誇遍綠陰
次第看花當日夢
殷勤種樹老年心
春風座暖傳經久
絳帳人多立雪深
髮白師生成益友
公餘數數共招尋

不厭招尋坐竹窻引來玉筍自雙雙每聞講學神俱爽
寧到論詩氣始降把酒斜陽留古榭挑燈細雨滴寒江
愧余老去精神減任重何堪力獨扛

酬洞庭五都統見和韻

風塵卅載到于今白髮應同惜寸陰抱璞羣推君子德
洞庭有玩璞園論交如見古人心新詩唱和忙難就舊雨情懷
久益深擬趁寒林飛雪後梅花香裏共招尋

緩帶時看坐碧窻環堦玉樹影雙雙詞壇拔幟誰輕敵
射圃穿楊客盡降過訪幾番衝暮雨登臨曾共咏春江

慙子任重前途遠將伯還期一助扛

送陳光岳歲暮歸省

惜別樽前燭影紅歸途遙指白雲東沙汀雁落潮聲起
一片征帆夕照中

故園梅蕊凍初開積雪知應掩碧苔白髮萱堂凝望久
倚門幾度待歸來

不為分攜又作歌只因老去感懷多五峯客館仍懸榻
莫任閒情戀薜蘿

和鈕牧村見贈

每共挑燈論古今喜逢霽月豁層陰竹能留客添新咏
語必驚人見苦心屋裏看山鍾嶺翠畫中問渡武陵深
丹青命意知何在不待陽春始訪尋

蓮幕多才列碧窻似君豪興竟無雙言能益我何妨直
老不如人最易降漫對新花思故里難忘舊夢憶章江
年哀事事慙蛟負借助寧惟筆可扛

和梁瑤峯學使見寄

未得追陪聽玉珂每從雲外仰嵯峩瀛洲早羨聲聞遠
白下欣逢笑語和錦字遙聞添唱咏離情仍悵隔關河

謝家山畔梅開日懷古懸知逸興多

和袁子才除夕贈句

君對椒盤把酒日正余守歲憶君時山中又放新梅否
路隔仙源未許知

聊將寓意托雙荷引得伊人又唱歌酬答先生無別物
飛來只是綵箋多

桃李爭開憶好春誰云舊種不如新繁枝綠葉知多少

長抱青山有幾人

子才詩有松抱
青山托始終句

偶因遣興灑吟箋那有閒情較後先已去光陰何足惜

江花江草自年年

新正疊前韻送子才還山

清談不厭更深夜此後重來又幾時寧祇論詩懷益友
老年最少是心知

中通外直比秋荷為挹清芬屢放歌怪底紅塵留不住
世人原愛牡丹多

酒酣也帶一分春緩步尋詩句更新繞竹穿林門始見
雲中有犬吠歸人

又傳古調寄長箋不讓先生一著先只有情懷還未老

皆動容臣心素凜惟匪懈益友相期在慎終清談不厭
到深愛半彎斜月尚微明送君又踏白雲返一路山村
野色清

和盧雅雨告休留別揚州故人韻兼以送行

老去

君心更見憐九霄雨露本無偏鹿鳴聯譜思當日

予與雅雨

辛卯同年鶴髮同舟又十年好句傳來殘雪夜離情動處早
春天懸車樂事人知否如此遭逢是萬全

平山堂外繞新河祖道遙聞贈別歌綠柳爭攀青雀舫

空囊惟咏素絲絃
雲歸遠岫重逢少
樹蔭甘棠遺愛多
自是繁華難久戀
冰關回首憶烟蘿

一挂輕帆頓解愁
飄然北去肯遲留
望中亭沼應牽夢
別後蒹葭易感秋
已有餘香全晚節
休將往事溯從頭
飛鴻過處遺痕爪
子厚名傳是柳州

到家稚子侯衡門
依舊生涯數畝存
不是清風隨杖履
誰知至樂在田園
春華那似松筠久
好爵終輸齒德尊
較我忙閒雖有別
江湖廊廟總殊恩

和鈕牧村途中見贈

挑燈最愛讀君詩，不厭招尋夜漏遲。
每聽新歌吟水月，恍聞香氣對蘭芝。
人行鏡裏身如幻，桃城橋有人
在鏡中題額山近

江干景倍竒，笑我一編常在手也。
同益友日相隨。

和牧村詠客館牡丹

似到人間富貴家，數枝喜見半開花。
纔含嫩蕊迎朝露，已吐新紅映綺霞。
俗眼自多誇豔冶，春風亦解愛繁華。
洛陽嘉種稱難得，終遜青松古幹斜。

和牧村桐城道中韻

于後三三春春歸時尚早連日傍山行泉聲在樹杪野
鳥怯旌麾飛鳴入深窅遠峯何峻嶒白雲自飄渺我友
澹蕩人追陪歷昏曉襟懷既落落才思復矯矯臨流轡
屢停看山臂常掉鴻影任西東到處留指爪有時見高
松撫摩愛環繞為愛似蒼龍森然出塵表下馬讀君詩
拍案解煩惱拈筆如有神良由匠心巧新月已西斜吟
哦猶未了每到臨卧時忙忙索詩草陽春和者稀愧煞
白頭老

和牧村望九華山韻

東南景物三春奢名山闔勝如名葩當前有山看不足
徒然過去生吁嗟惟予癖性愛遊覽年來老眼如籠紗
重到望華亭上望羣峰插漢明朝霞仙掌恍從天外見
青蓮競獻雲中花有客欣欣向我語遙指嶒峨首頻舉
今朝一見九子山萬壑千峯不足數蒼虬百尺聳喬松
枝帶烟雲執飛舞紛紛巖畔落殘紅隨風疑作散花雨
謫仙舊有讀書堂欲訪遺踪何處所我生天意實見憐
歷遍秦嶺與西川陟險曾登劍閣頂探幽直上終南巔
我省山外半輪月太華峯頭幾朶蓮回首都成長短夢

低徊往事心悠然人間萬事何倏忽風帆過眼即迷失
層巒疊嶂各爭竒應接何由分甲乙曾從畫裏見黃山
盡說竒峯罕儔匹若與九華共品題未知可否稱同列
曠觀不在拘一隅天機活潑羨鳶魚悟得自在流行意
萍踪到處皆如如客聞此言鼓掌笑開筵拈管無停書
足跡更思周海內壯心不屑談區區我有一言應聽取
看山何必凌仙都浮雲無定客知乎試一高歌問太虛
和牧村皖江道中

野外村莊竹四圍渡江景物愛芳菲盈池綠藻魚兒長

遍地黃雲菜子肥
得句隨時酬伴侶
問農到處駐驂騑
沙鷗何處嫌行客
隔水飛鳴向釣磯

兼旬難得好晴光
况值春深日正長
老友共憐華鬢髮

予與託中丞為
四十年舊友耆民也
感易星霜數至皖江道旁觀
者謂予較前更老帆

衝白浪飛南浦
山帶蒼松聳夕陽
最喜征途饒韻事
風來香氣滿衣裳

過五溪橋有感
仍用前韻賦贈牧村

百尺亭高一水圍
橋邊楊柳自菲菲
花飛三月知春晚
麥秀千村見土肥
却為看山時問路
更因感舊一停騑

五溪橋有鄂
虛亭留句

幾多過客留題處
半被蒼苔沒石磯

何須回首感韶光
春草春花引興長
千里同君耽嘯咏
廿季笑我飽風霜
手摩古樹思前夢
目斷遙峯對夕陽
小憇愛臨流水坐
渾忘濕翠染征裳

偶憶西園兼以寄內

不繫舟邊綠柳圍
別來聞說夏芬菲
緋桃著雨紅將落
國色爭春蕊正肥
對景知應勞遠夢
因風誰共憶行騑
小山疊翠濃陰晚
好看諸兒繞石磯

旅館蕭條對燭光
敲詩獨坐漏偏長
征途日久無風雨

衰鬢春深有雪霜喜得新絨來白下
恰逢倦馬憇青陽
閨中念到南行暖又為勞人寄薄裳

寄懷師健託中丞即用皖江道中韻

極目青山翠作圍行旌到處惜芳菲
鶯啼楊柳春將晚
雨灑平林綠漸肥涼夜曾同傾別酒
長途還喜藉征騑

撫軍去歲
曾贈良馬

客中景物添多少懷古重過采石磯

清和幾日換韶光回首前歡思更長
別後溪山如舊雨
歸來竹粉似新霜懶從老圃開生面
閒踏殘紅趁夕陽
裁罷詩箋憑檻立霏霏涼露濕輕裳

癸未生辰託中丞自皖江賦詩寄祝兼以見懷仍
用前韻再和二章

山影參差樹影圍，皖城猶記覽芳菲。
開樽細雨桃初豔，分袂東風麥已肥。
老友情深頻入夢，征塵力倦暫停騑。
時又將有吳門之行尺書好藉雙魚寄，頻到江頭燕子磯。

惠我新笺等夜光，低徊又覺味深長。
有懷獨立三更月，無藥能醫兩鬢霜。
却老更煩貽瑞鹿，時以鹿見贈引年何用
覓昌陽。古稀已近身猶健，笑看飛花點繡裳。

宋寶巖新闢寓齋贈詩甚富依韻率成

池亭近處午風涼紙閣新開十笏長竹為陰深多積翠

花因徑轉又添香笑君作客營巢急似我為山覆簣忙

西園新築小山最愛當窓橫短榻清幽頗類小禪房

此番結構更幽深不厭攜燈數訪尋小有山房堪作伴

武陵詩意許同心牧村有桃源詩意圖漫云斗室如金印寶巖自題有室

如金印大之句絕勝紅鑪擁玉簪投贈新歌東壁滿臨風三復

有餘音

癸未生辰素子才過不繫舟以詩見祝依韻賦答

卅年宦迹任西東懷古時還愧謝公舊雨人來仙島外

斜陽酒醉畫闌中山當欲暮峯偏紫花到將殘瓣尚紅
不繫舟邊同步履長歌一曲引清風

過眼如流歲月愛那堪野鳥作新聲每因虛度憐華髮
寧祇無聞畏後生老圃至今多雨露青松何處問枯榮

子才舊句有松抱
青山托始終之句談深不覺難分手愁見君歸踏月明

偶擬作愛蓮說承夏醴谷院長賦跋長句次韻奉
答

忙中無暇尋花枝公餘偶爾來園池廿年種樹皆老大
賞心自在凌雲姿不繫舟邊環綠水芙蓉乍放花參差

花中君子得名久果然玉質原無緇瀟溪好尚足千古
每誦舊說先神怡拈毫約畧寫微意聊當遣興裁新詩
老眼看花不知數會心豈在分妍媸季來宦轍無定所
池畔惟憑鷗鷺窺甫向衙齋駐征轡恰逢溽暑無奔馳
湘簾染几坐長晝紅衣翠羽饒芳蕤方今四野望甘澍
雷聲隱隱催雨師佇見滂沱徧林麓新涼如水清詩脾
茅簷歡慶我心慰愛堪對花自娛嬉多情好友贈佳句
遠追白也兼退之元唱有弄珠已賞太白句把露愛愛昌黎詩不厭憑欄再
三讀恍若清風吹淪漪西園倘肯共遊賞趁此好景休

遲遲

兒輩慣葺屋宇偶作數語戒之並以自警

到處可安若容膝不厭小人苦不知足營營何時了桂
柱與杏梁結構窮精巧大樹蔭亭臺新花環池沼疊石
為竒峯呼春鳴翠鳥室多無雷同徑曲復深杳絲竹日
喧闐粉黛夜環繞古來富豪家似此知多少自謂享厚
福可以千年保誰意金谷園轉眼成荒草每誦傷宅詩
字字堪傾倒惟有儉樸風守之以終老小子既讀書此
理貴叅考百凡可類推何須過求好毋忽老人言聽之

復藐藐

小山吟用前韻

予性最愛山山不在大小覆簣已垂成此心猶未了體
執取天然穿鑿厭工巧西面有方池不別添新沼隊隊
見游魚嚶嚶聽野鳥亦有最高峯翠黛插青杏綠竹影
參差垂楊枝環繞惟有牡丹花園丁尚嫌少此花非不
豔經霜恐難保何如省心力種植閑花草良友許相招
金樽時共倒荷風送晚香玩之幾忘老秦嶺與華嶽舊
遊皆可考過去即成空不如眼前好恍若生烟雲望中

何綿藐

友人于小有山房南為山鑿池頗成別致予名曰
少有小山詩以紀之

芥子與須彌何從分大小處處開生面景物看不了欲
知結構佳全在匠心巧老圃偏東南忽然為小沼樹影
借山房歡聲噪林鳥數仞起層峯一徑入深杳對面竹
千竿踈籬近迴繞但有江湖意一勺不為少滄海與桑
田變幻誰能保有客苦經營去穢除荒草公餘偶一過
對之欲絕倒何事營巢急頗似白頭老誰假與誰真此

理費叅考少有贈佳名即此足完好待得風雨來烟波亦悠藐

江安糧道署東偏舊有小園荒廢日久錢湘人監司葺而新之賦詩紀事予以公事過訪依韻奉和時湘人遷任廉使將有吳門之行兼以誌別

風吹帆影過江濱去住誰真是主人頓令荒園成畫本恍如老樹遇芳春傳聞已覺心先喜不到馬知眼更新
羨煞良工能位置渾忘好景近囂塵

遍將景物細評量草滿堦除竹繞廊墻短偏宜延野色

樓高喜得見山光
窓臨碧漲神俱爽
座對幽蘭語亦香
再把梧桐添幾本
好看雛鳳集朝陽

曲徑迴環映綠扉
高低花萼自交輝
池清似接秦淮水
石翠疑登燕子磯
那得餘閑能避暑
偶因小憩亦忘歸
門前車馬喧闐甚
未許眠鷗一息機

猶憶官齋類草廬
年年季曾此駐藍輿
焦桐久惜琴為爨
涸轍于今澤可漁
選勝自推生面好
同遊漸覺故人疎
老來頗有林園興
風雅情懷愧不如

無數珊瑚入網羅
宗工門第足清和
亭臺始有何嫌少

桃李成陰豈在多覆簣為山聊似我隨緣作客只憑他
露芽試罷旋分手誰暇臨風卷白波

刪除豈易淨蒿萊轉眼應還長碧苔數首詩篇留我讀
他時懷抱向誰開送行綠柳先期折遺愛甘棠去後栽
人似飛鴻無定所共將印爪記曾來

偶過高南疇道署即景戲題

景物芳菲不必論居家却有古風存鹽官早具調羹意
故把花園作醬園

書齋最好是當途衝要真堪達九衢但得生機常在念

仁人何必遠庖厨

斗室偏宜置短床
四圍怕受晚風涼
不因會得叅禪法
那肯終朝只面墻

草不刪除却金魚無別物
驕人還有石頭山

與西峯都統相遇毘陵停舟話舊賦贈二章

待我停舟傍野潯
重逢握手一開襟
推窻正對青山色
把酒同傾綠樹陰
補贈長歌當日句
時錄舊作相贈喜談舊事
老年心行旌若問
來何路笑向江干指遠林

晴巒幾點映斜暉
陟岵曾聞入翠微

前一日西峯曾登惠山

客淚

知隨流水澗鄉心
應逐野雲飛舟回
正值三秋雨

思重難歌四牡駢
白髮書來君記否
屢教宣力莫思歸

尊公屢有家書囑其盡心職守勿以親老為念

莊滋圃中丞高立齋齏使楓橋送行口占留別

送我同舟返碧潯
不嫌揮汗一開襟
相知豈易逢良會
欲別還應惜寸陰
把酒高吟原有興
隨風去住復何心
靈巖爽約空回首
遙指西南是茂林

一路村農望曙暉
暉稻花香處柳烟微
山經細雨秋逾翠

鳥入青雲倦尚飛
眼底風帆皆過客
忙中歲月似征騑
清談坐久仍攜手
已近楓橋未肯歸

胥江舟中友人陳光岳以七夕詩見寄即步來韻
以寄內

乞巧家家月正明
遙瞻銀漢不勝情
鵲橋誰見雙星駕
徒惹人間別恨生

徒倚蓬窓眼倦開
石城信到轉疑猜
一年一度成佳會

可有音書日往來

時接家信
訊問歸期

迢迢河畔寄緘詞
偕老稱觴早訂期
初度偏教秋水隔

鏡中應見鬢添絲

七月廿七日為
內子五十初度

悵望層雲向夜闌
仙家也不易團圓
天河來去風濤遠
何日同衾得久安

重過京口贈西峯都統兼以留別

又看帆影過江潯
颯颯西風動客襟
每一相逢親笑語
幾番回憶感光陰
燕臺聚首當年夢
秋水懷人別後心
何日旌麾來白下
為君掃榻傍園林

每見無言對夕暉
雲邊遠樹影依微
夜來海近聽潮長
北去天空望雁飛
漫為閒愁添鬢雪
應吟好句送征騑

笑余亦作忘家客
目盼秦淮只當歸

疊前韻

憶昔曾居錦水潯

余家舊居錦川

聞君此去欲霑襟
園空已久

成荒草樹老知應減
綠陰惜別頻
酬遊子句送行易動

故鄉心白雲山色環
先塋有夢難隨返
舊林

先塋在錦川白雲山

後

佇見星移動
曙暉不同前路詠
嘉微渡江正值秋風遠
折柳休驚落葉飛
髮白誰知仍戲綵
途長到處好停驂
笑予作客南邦久
敢為年哀望北歸

和岳蕉園謝寄筆墨

老來最怕故交踈，筆硯生涯未肯除。
書到恰逢新雨後，詩成多在晚風餘。
看山每羨幽林鳥，臨水還思涸轍魚。
屢和佳章別有意，不關文戰博空譽。

和蕉園謝寄新茶

始信文章果有神，大家筆意不猶人。
似言綠茗香雖遠，難比寒梅色更鮮。
渴最宜殘暑夜，烹泉應傍御河濱。
漫嗟茅屋秋風早，且自長吟待好春。

寄懷蕉園仍用前韻

秋來陋巷更蕭疎，葉冷閒堦草未除。
清夢常同千里遠，離情忽又四年餘。
西山月落應歌枕，潞水波深可羨魚。
自昔固推三絕少，不須過好是名譽。
原唱有鄭虔皓首還加勉，恐自當年三絕譽之句。

同憐老去尚精神，舊雨難尋白髮人。
秋圃雖誇黃菊滿，楓林終遜百花新。
長安道隔重雲外，不繫舟橫綠水濱。
未識詩多仍和否，書回應及小陽春。